
ԿԱԴՌՈՒՄԻՆԵՐԻ ՑԵՂԸ ՀԻՆ ԱՂԲՅՈՒՐՆԵՐՈՒՄ

ՀՈՎՀԱՆՆԵՍ ԽՈՐԻԿՅԱՆ

Կադուսիների մասին հիշատակություններ կան՝ սկսած հին ժամանակներից: Նրանք հայտնի չեն պատմահայր Հերոդոտոսին: Կադուսիների մասին ընդարձակ տեղեկություններ հաղորդում է Հերոդոտոսի կրտսեր ժամանակակից Քսենոփոնն իր «Կյուրոպեդիա» բարոյախոսական-քաղաքական երկում: Այս երկում կան հաղորդումներ, որոնք, համադրվելով այլ սկզբնաղբյուրների հետ, կարող են բերել պատմաաշխարհագրական մի շարք հետաքրքիր եզրահանգումների:

«Կյուրոպեդիա»-ում կադուսիները հիշատակվում են բավական հաճախ, ընդ որում, դատելով Քսենոփոնի տեղեկություններից, նրանք բուռն մասնակցություն են ունեցել Առաջավոր Ասիայի քաղաքական զարգացումներում: Այսպես, Քսենոփոնը կադուսիներին համարում է ասորեստանցիների ամենամեծ թշնամիները. «Ձևսը վկա, – ասաց հյուրկանների թագավորը, – նրա (ասորեստանցու – Խ. Հ.) ամենամեծ թշնամիները կադուսիներն են. սրանք մեծաթիվ և քաջարի ցեղեր են. նան մեզ սահմանակից սակերը, որոնք բազում չարիքներ են կրել ասորեստանցուց, քանզի նրանց նս նա փորձել է նվաճել, ինչպես մեզ»¹: Մասնագիտական գրականության մեջ նշվել է, որ «Կյուրոպեդիա»-ի տեղեկությունները Կյուրոսի մասին վերաբերում են նույն անվան տակ թաքնված երկու թագավորների. մեկը՝ Աստիագեսի հոր՝ Կիաքսար Բ-ի (մ. թ. ա. 625–585 թթ.) ժամանակակից Կյուրոս Ա-ն է (մ. թ. ա. 640–600 թթ.)², որը ճնշեց հայերի հակամարական ապստամբությունը մ. թ. ա. 612–609 թվականների միջոցին, մյուսը՝ Կյուրոս Մեծը, որն էլ ճնշեց հայերի հակամարական ապստամբությունը, հավանաբար, մ. թ. ա. 570 կամ 569 թվականին³: Ելնելով այն տեղեկությունից, որ Կյուրոսի գլխավորած դաշնակից զորքերը պաշարում են Բաբելոնը⁴՝ ասորեստանցու անվան տակ, անշուշտ, պետք է նկատի ունենալ Նոր Բաբելոնական թագավորությունը⁵: Ուրեմն, տվյալ ժամանակաշրջանում կադուսիների, ինչպես նաև հյուրկանների և սրանց հարևան սակերի թշնամությունն այդ թագավորության հետ արդեն իսկ

¹ Քսենոփոն. Կյուրոպեդիա (այսուհետև՝ Կյուրոպեդիա), թարգմ. Ս. Կրկյաշարյանի, Երևան, 2000, էջ 187:

² Э. Б и к е р м а н. Хронология древнего мира. М., 1975, с. 193.

³ Բ. Հ ա ր ո թ յ ո լ յ ա ն. Հայաստանի, հայ-իրանական հարաբերությունների և Առաջավոր Ասիայի հնագույն պատմության մի քանի խնդիրների շուրջ (մ. թ. ա. VII–VI դդ.), Երևան, 1998, էջ 23, 51–52, 87:

⁴ Կյուրոպեդիա, էջ 192:

⁵ Ի. Դյակոնովը Քսենոփոնի այս տեղեկությունները կապում է պատմական Կիաքսարի (Բ-ի) և Ասորեստանի միջև տեղի ունեցած պատերազմների հետ (տե՛ս Ի. Дьяконов. История Мидии. М.–Л., 1956, с. 296):

կասկածելի է: Հետևաբար, անընդունելի է նաև կադուսիներին, ինչպես և հյուրկաններին ու սակերին փնտրել ասորեստանցիների հարևանությամբ, որոնք, իբր, բաժանում էին նշված ցեղերին մեղացիներից և պարսիկներից⁶: Չպետք է մոռանալ նաև, որ հենց ասորեստանցիներն էին արշավանքներ ձեռնարկել Ուրմիո լճից արևելք ու հյուսիս-արևելք ուղղություններով և, բնականաբար, կարող էին բախվել կադուսիների հետ⁷: Այդ արշավանքների արձագանքներն են, հավանաբար, պահպանվել Դիոդորոս Միկիլիացու մոտ, որը օգտվել է Կտեսիաս Կնիդացու երկից: «Պատմական գրադարան»-ում գրված է, որ Ասորեստանի թագավոր Նինոսը տիրանում է կադուսիների, տասյուրների, հյուրկանների, դրանգների, դերբիկների, կարմանների, քորոմնանների, բորկանների, պարթևների երկրներին, Պերսիսին, Սուսիանեին, Կասպիանեին՝ հասնելով Բակտրիա, որը նվաճում է հաջորդ արշավանքի ժամանակ⁸: Անշուշտ, Ասորեստանի ոչ մի թագավոր աշխարհագրական այդպիսի լայն գործունեություն չի ծավալել, սակայն այն հանգամանքը, որ Նինոսն ամուսնանում է Սեմիրամիս-Շամիրամի հետ, որն իրական պատմական անձնավորություն է, թույլ է տալիս Նինոսին նույնացնել Շամշի-Ադադ Ե-ի (մ. թ. ա. 824–811 թթ.)՝ Ադադներարի Գ-ի հոր հետ, որի կամ էլ նրա հաջորդի օրոք ասորեստանցիները հայտնվում են Ուրմիո լճից արևելք⁹: Վերորերյալ տեղեկության մեջ ընդունելի է հյուրկանների հարևանությամբ սակերի տեղադրությունը, քանի որ այդ մասին հավաստում են բազմաթիվ աղբյուրներ¹⁰: Կադուսիների և մարերի միջև տեղի ունեցած պատերազմների մասին հաղորդում է Կտեսիաս Կնիդացին: Տեղեկությունից հայտնի է դառնում, որ կադուսիները հաղթել են մարերին և երբեք չեն ենթարկվել նրանց¹¹: Քսենոփոնի մյուս տեղեկություններում ևս սակերը, հյուրկանները և կադուսիները գրեթե միշտ հիշատակվում են միասին, ընդ որում, կադուսիների ռազմական ուժն ավելին էր, քան սակերին և հյուրկաններինը. «Կյուրոսի զորքին միացած կադուսիների զորքը բաղկացած էր երկու բյուր պելտաստներից և չորս հազար հեծյալներից, սակերի զորքը՝ մեկ բյուր աղեղնավորներից և երկու հազար հեծյալ աղեղնավորներից. Իսկ հյուրկանները ուղարկեցին ինչքան կարող էին հետևակ

⁶ Նույն տեղում, էջ 187–188:

⁷ Այդ ուղղություններով արշավանքներ ձեռնարկել են Ադադներարի Գ-ն (մ. թ. ա. 811–781 թթ.) և Թիզլաթպալասար Գ-ն (մ. թ. ա. 745–727 թթ.):

⁸ Դիոդորոս Միկիլիացի. Պատմական գրադարան (այսուհետև՝ Դիոդորոս Միկիլիացի), թարգմ. բնագրից, առաջաբան և ծանոթագրություններ Ս. Կրկյաշարյանի, Երևան, 1985, էջ 17:

⁹ История древнего мира, т. II, под ред. И. М. Дьяконова, В. Д. Нероновой, И. С. Свенцицкой. М., 1989, с. 31.

¹⁰ Կասպից ծովից արևելք հիշատակվում են մասսագետները, դահերը, դերբիկները, որոնք աղբյուրներում համարվում են սակ-սկյութներ (մանրամասն տես՝ Ա. Հակոբյան. Կասպերի և Կասպիանա (Կասպ) մարզի տեղադրության մասին. – ՀՄՄՀ ԳԱ «Լրաբեր հասարակական գիտությունների» (այսուհետև՝ ԼՀԳ), 1983, - 1, էջ 92–93, Հ. Խորիկյան. Աքեմենյան Պարսկաստանի վարչական բաժանումների շուրջ, Երևան, 2010, էջ 26–33):

¹¹ Դիոդորոս Միկիլիացի, էջ 42: Մարերի Արտաշես թագավորի նույնացումը Դեյոկեսին կասկածելի է [տես՝ Р. Меликов. Этническая картина Азербайджана в период ахеменидского владычества (VI–IV вв. до н. э.). Баку, 2003, с. 146]:

գորք և հեծյալների թիվն ավելացրին երկու հազարով»¹²: Կաղուսիները, ըստ Քսենոփոնի, ակտիվ մասնակցություն են ունեցել Կյուրոսի՝ Նոր Բաբելոնական թագավորության դեմ մղված պատերազմներում¹³: «Կյուրոպեդիա»-ի հետագա շարադրանքից պարզվում է, որ հյուրկանները, սակերը և կաղուսիները Կյուրոսի առաջնորդած բանակում ռազմական գործողություններին մասնակցում են որպես բարեկամներ՝ դաշնակիցներ¹⁴, ինչը ցույց է տալիս, որ կաղուսիները չէին ենթարկվում մարերին կամ էլ, եթե խոսքը վերաբերում է հենց Կյուրոս Մեծին, կաղուսիներն ապստամբել էին մարերի դեմ և անցել պարսիկների կողմը: Ընդհանրապես աղբյուրներից կարելի է եզրակացնել, որ կաղուսիները հիմնականում եղել են անկախ կամ կիսանկախ ցեղ, որը հիմնականում հաջողությամբ կռվել է ն՝ մարերի, և՛ Աքեմենյանների դեմ: Նիկողայոս Դամասկացին հայտնում է, որ Աստիագեսն ապստամբ մարերի մոտ է ուղարկում մարական արքունիքում գտնվող Կյուրոսին, որն էլ կարողանում է իր կողմը գրավել կաղուսիներին, և կարճ ժամանակ անց Աստիագեսի դեմ պայքարում կաղուսիներն անցնում են Կյուրոսի կողմը¹⁵: Ուշադրություն է գրավում նաև այն իրողությունը, որ Քսենոփոնը «Անաբասիս»-ում ընդհանրապես չի հիշատակում կաղուսիների մասին: Այս հանգամանքը թույլ է տալիս մտածել, որ Արտաքսերքսես Բ-ի (մ. թ. ա. 404–359 թթ.) ժամանակ կաղուսիները չեն ենթարկվել թուլացած Աքեմենյաններին: Եվ իրոք, Արտաքսերքսես Բ-ն միայն հաշտություն է կնքում կաղուսիների հետ¹⁶: Մակայն Արտաքսերքսես Գ Օրոսը (մ. թ. ա. 359–338 թթ.), ըստ Պոմպեոս Տրոգոսի, վերականգնելով Աքեմենյանների երբեմնի հզորությունը, հնազանդեցնում է նաև կաղուսիներին, որոնց հետ պատերազմում անձնական քաջությամբ աչքի է ընկնում ապագա թագավոր Դարեհ Գ Կողոմանոսը (մ. թ. ա. 336–330 թթ.), որը նշանակվում է Հայաստանի սատրապ¹⁷:

Հետաքրքիր է, որ Քսենոփոնի մի քանի տեղեկություններում հյուրկանների, կաղուսիների, սակերի հետ հիշատակվում են նաև հայերը (արմենները), որոնք ըստ հերթականության հաջորդում են պարսիկներից հետո նշված մեդացիներին¹⁸: Այս հանգամանքը վկայում է ն՝ Կյուրոսի բանակում, և՛ նրա ստեղծած տերության մեջ հայերի ունեցած բարձր դիրքի մասին: Պատահական չէ, որ Կյուրոսը կրտսեր որդուն՝ Տանաքսարեսին,

¹² Կյուրոպեդիա, էջ 195–196, 199, 226:

¹³ Նույն տեղում, էջ 202, 206–208:

¹⁴ Նույն տեղում, էջ 297:

¹⁵ C. M u l l e r. Fragmenta historicorum graecorum. Vol. III. Parisii, 1849, pp. 399–400, fr. 66.

¹⁶ Plutarch's Lives, translated from the original Greek, by J. Langhorne and W. Langhorne, Cincinnati, 1850, pp. 644–645. *Տե՛ս նաև Դ ի յ ն դ ռ ը ն ո Ս ի կ ի լ ի ա գ ի*, էջ 73, Pompei Trogi Fragmenta, collegit O. Seel, Lipsiae, 1961, p. 83; J. M. C o o k. The Rise of the Achaemenids and Establishment of Their Empire.–The Cambridge History of Iran, vol. 2. London, 1985, p. 256; P. Briant. From Cyrus to Alexander. A History of the Persian Empire, translated by P. T. Daniels, Winona Lake, Indiana, Eisenbrauns, 2002, pp. 732–733.

¹⁷ В. В. Л а т ы ш е в. Известия древних писателей о Скифии и Кавказе (*այսուհետև՝* ИДПСК).– «Вестник древней истории» (*այսուհետև՝* ВДИ), 1949, ¹ 1, с. 254. *Տե՛ս նաև Դ ի յ ն դ ռ ը ն ո Ս ի կ ի լ ի ա գ ի*, էջ 78:

¹⁸ Կյուրոպեդիա, էջ 206, 330:

կարգում է մեղացիների, հայերի և կաղուսիների սատրապ¹⁹: Այս տեղեկությունը չի համապատասխանում իրականությանը, քանի որ Տանառքսարեսի՝ Բարդիայի տիրույթները գտնվել են Միջին Ասիայում²⁰, և Քսենոփոնը փոխել է Կտեսիասի մոտ հիշատակվող երկրների անունները²¹: Տեղեկության մեջ կարևոր է այն հանգամանքը, որ կաղուսիները սահմանակցել են հայերին և մեղացիներին, ինչը հաստատվում է այլ հեղինակների կողմից ևս: Ընդ որում, կաղուսիների հիշատակությունը մարերից և հայերից հետո խոսում է վերջիններիս համեմատությամբ նրանց զբաղեցրած համեմատաբար ցածր դիրքի մասին:

Հին աղբյուրներում կաղուսիների մասին կան բազմաթիվ հիշատակություններ: Այսպես, ըստ Պոլիբիոսի, Առաջավոր Ասիայում տեղի ունեցող պատերազմներում կաղուսիները՝ անհարակների և մատիանների հարևանները, հիշատակվում են Սելևկյան բանակներում²²: Անհարակների ու մատիանների մասին հիշատակությունը թույլ է տալիս կաղուսիներին տեղադրել Ուրմիտ լճի և Կասպից ծովի հարավարևմտյան շրջանից արևմուտք ընկած տարածքում: Ստեփանոս Բյուզանդացին կաղուսիներին հիշատակում է արիանների հարևանությամբ²³: Այս տեղեկությունը համահունչ է Ստրաբոնի այն հաղորդմանը, թե կաղուսիներն արիաններին զիջում են հետևակի քանակով²⁴: Դժվար է ասել՝ արդյո՞ք արիանների անվան տակ պետք է հասկանալ Արիանա երկրի բնակիչներին, թե՛ կաղուսիների հարևանությամբ բնակվող ինչ-որ ցեղ, որ, թերևս, Պլինիոս Ավագի աստիակը²⁵՝ արիակ-արիանն է: Հնարավոր է նաև, որ արիանների անվան տակ տվյալ տեղեկության մեջ արտացոլվել են պարսիները, որոնց պարսկական ծագումը հավանական է²⁶:

Մի քանի աղբյուրներում կաղուսիների մասին հիշատակությունները թույլ են տալիս արդեն հստակեցնել այս ցեղի տեղադրությունը: Պլինիոս Ավագը Կաղուսիան և Ալբանիան հիշատակում է հարևանությամբ՝ Կասպից ծովի հարավարևմտյան շրջանում²⁷: Պտղոմեոսը կաղուսիներին

¹⁹ *Նույն տեղում, էջ 362: Στέυ ύωω* Ксенофонт. Киропедия. Издание подготовили В. Г. Борухович и Э. Д. Фролов. М., 1976, с. 211; Xenophon. Cyropaedia, with an English translation by Walter Miller. Vol. II. Cambridge-Massachusetts-London, 1960 (Loeb Classical Library), pp. 428–429.

²⁰ *Կտեսիասը Բարդիայի տիրույթներն է համարում Բակտրիան, Խորեզմը, Պարթևքը, Կարմանիան* [տե՛ս И. Пьянков. Средняя Азия в известиях античного историка Ктесия (текст, перевод, примечания). Душанбе, 1975, с. 93]:

²¹ И. Пьянков. Сведения Ктесия о владениях Бардии на востоке Ирана.–ВДИ, 1961, 14, с. 98–103.

²² The General History of Polybius. Vol. II by Mr. J. Hampton. London, 1809, p. 219, 274.

²³ ИДПСК.–ВДИ, 1948, 13, с. 315.

²⁴ Страбон. География в 17 книгах (*συνιθετω*՝ Страбон), пер., статья и комм. Г. А. Стратановского. Л., 1964, с. 494.

²⁵ Pliny. Natural History. Vol. II. Cambridge-Massachusetts-London, 1957 (Loeb Classical Library), VI, 36, p. 364.

²⁶ *Տե՛ս, օրինակ, И. Алиев. Племена и племенные группы в Атропатене.–ВДИ, 1987, 13, с. 69.*

²⁷ Pliny. Natural History, VI, 36, p. 364.

տեղադրում է Ուրմիո լճի և Կասպից ծովի հարավարևմտյան շրջանի միջև²⁸: Դիոնիսիոսը Կասպից ծովի ափամերձ շրջանում բնակվող ցեղերի թվում կասպերից, աղվաններից հետո հիշատակում է լեոնային երկրում ապրող կաղուսիներին, որոնց հարևանությամբ բնակվում էին մարդերը, հյուրկանները և տապյուրները²⁹: Տեղեկությունից պարզվում է, որ աղվաններին հաջորդող կաղուսիները գտնվել են Կուր գետից հարավ և սահմանակցել են Կասպից ծովից հարավ տեղադրվող մարդերին, հետևաբար, Մեծ Հայքի Փայտակարան աշխարհը Արտաշես Ա-ն նվաճել էր կաղուսիներից: Դիոնիսիոսի մեկնաբանություններում Եվստաթիոսը նույնպես կասպերից, աղվաններից հետո հիշատակում է կաղուսիներին, որոնց հարևան էին մարդերը, հյուրկանները և ապյուրներ-տապյուրները³⁰: Նիկեփորոս Բլենմիդոսը ևս կասպերից, աղվաններից հետո, մարդերից ու հյուրկաններից առաջ տեղադրում է կաղուսիներին³¹: Ռուփոս Փեստոս Ավիենոսը և Պրիսկիանոսը գրեթե նույնությամբ կասպերից, աղվաններից հետո հիշատակում են կաղուսիներին, որոնցից հետո թվարկվում են մարդերը, հյուրկանները, ապյուրներ-տապյուրները, որոնց երկրով հոսում է Մարդոս գետը, որն անցնում է նաև դերկերիներ-դերբիկների և բակտրերի հողերով ու թափվում Կասպից ծովը³²: Դերբիկների և բակտրերի մասին հիշատակությունը ցույց է տալիս, որ Մարդոս կամ Ամարդոս գետը՝ ներկայիս Սեֆիդ-ռուդը, շփոթվել է Մարգուշ գետի³³, ներկայումս՝ Մուրդաբ, կամ էլ Օքսոսի հետ: Պոմպոնիոս Մելարը Կասպից ծովի շուրջ ապրող ցեղերի թվում, չպահպանելով աշխարհագրական հաջորդականությունը, մասսագետների և հյուրկանների միջև հիշատակում է կաղուսիներին³⁴, որոնց, ելնելով այլ աղբյուրների հաղորդումներից, կարելի է տեղորոշել Կասպից ծովի հարավարևմտյան շրջանում: Ամմիանոս Մարկելինոսը կաղուսիներին հասկացնում է լայն աշխարհագրություն՝ հասցնելով մինչև Կասպիական դռներ³⁵՝ Ռագայի մոտ: Տիտոս Լիվիոսը տեղեկություններից մեկում կաղուսիներին հիշատակում է Անտիոքոս Գ-ի (մ. թ. ա. 223–187 թթ.) զորքերի թվում, իսկ սյուսում էլ դահերին, մարերին, կաղուսիներին և էյումագիներին համարում է սիրիացիներ³⁶՝ նկատի ունենալով այն հանգամանքը, որ հռոմեացիների հետ պատերազմին նշված ժողովուրդներն ու ցեղերը մասնակցում էին սիրիացի Սելևկյանների կողմից:

Քննելով հին աղբյուրների տեղեկությունները՝ ուսումնասիրողները կաղուսիներին տեղադրել են Գիլանում, որտեղ հայտնի է Կաղուսերա

²⁸ ИДПСК.–ВДИ, 1948, 1 2, с. 255; Claudii Ptolemaei Geographia, edidit C. F. A. Noebbe, t. II. Lipsiae, 1845, VI, 2, 5; H. Humbach, S. Ziegler. Ptolemy Geography, book 6, Text and English/German Translations. Wiesbaden, 1998, p. 42.

²⁹ C. Müller. Geographi Graeci Minores. Vol. II. Parisiis, 1861, p. 149.

³⁰ Նույն տեղում, էջ 345–346:

³¹ ИДПСК.–ВДИ, 1948, 1 4, с. 241.

³² C. Müller. Նշվ. աշխ., էջ 185, 196:

³³ С т р а б о н, с. 487.

³⁴ ИДПСК.–ВДИ, 1949, 1 1, с. 272.

³⁵ Ammianus Marcellinus, with an English translation by J. C. Rolfe. vol. II. Cambridge-Massachusetts-London, 1972 (Loeb Classical Library), XXIII, 6, 13.

³⁶ ИДПСК.–ВДИ, 1949, 1 1, с. 216. Ст'у'ушу Э. Б и к е р м а н. Государство Селевкидов. М., 1985, с. 57, 61, 69.

անունով գյուղը, և Դեյլեմում³⁷, Երասխի ստորին հոսանքից հարավ-արևելք դեպի Մեֆիդ-ռուդի գետաբերանի կողմը³⁸, Երասխի հարավային վտակ Կարասու գետի վերնագավառում³⁹, Կասպից ծովի հարավարևմտյան շրջանից մինչև «մատիենական և հայկական հողերը»⁴⁰:

Կաղուսիների տեղադրության հարցում առաջնակարգ նշանակություն ունի Ստրաբոնի «Աշխարհագրություն»-ը: Ստրաբոնը կաղուսիներին հիշատակում է բազմիցս: Այսպես, հեղինակը գրում է. «Վրկաններից հետո ծովի շրջագծով բնակվում են ամարդները, անարիակները, կաղուսիները, այբանները, կասպերը, ուրտիները և, հնարավոր է, ընդհուպ մինչև սկյութներ, այլ ժողովուրդներ: Վրկանների մյուս կողմում ապրում են դերբիկները, իսկ կաղուսիները սահմանակցում են մեդացիներին և մատիաններին՝ Պարաքոթթես լեռան ստորոտին»⁴¹: Կաղուսիների և աղվանների սահմանակցության մասին հաստատում են նաև այլ հեղինակներ, հետևաբար, Կուր գետի ստորին հոսանքից հարավ կաղուսիների տեղադրությունը, կարծում ենք, տարակարծությունների տեղիք չի տալիս: Հարավային ուղղությամբ կաղուսիները սահմանակցել են Կասպից ծովի հարավային ափերին բնակվող անարիակներ հավաքական անվան տակ հանդես եկող ցեղերին: Պարաքոթթես լեռան տակ պետք է հասկանալ ոչ միայն Թալիշի և Գիլանի լեռները, այլև Էլբուրսն ամբողջությամբ և, ընդհանրապես, Իրանական սարահարթի հյուսիսարևմտյան լեռնաշղթաները⁴²: Պարաքոթթես անունը որոշակիորեն պետք է տարածվեր և Ջագրոսի հյուսիսարևելյան մասի վրա: Մատիենների տակ նեղ առումով պետք է նկատի ունենալ Մատիենե երկրի բնակիչներին, որոնք չէին կարող սահմանակցել կաղուսիներին, սակայն մատիեններին լայն առումով պետք է համարել Ուրմիո լճի արևելյան ափամերձ շրջանների բնակիչներ, որոնցից արևելք դեպի Կարասու գետի վերնագավառը, բնակվում էին կաղուսիները:

Ստրաբոնը գրում է, որ Մեծ Մարաստանը հյուսիսում սահմանակցում է Վրկանից ծովից վերև ապրող կաղուսիներին և այլ ցեղերի⁴³: Այս տեղեկությունից երևում է, որ Վրկանից ծովից վերև ասելով՝ հեղինակը կաղուսիներին տեղադրում է Կասպից ծովի հարավային ափամերձ շրջանից հյուսիս-արևմուտք, ընդ որում՝ կաղուսիներին չտեղադրելով անմիջապես ափամերձ շրջանում: Խոսելով Ատրպատականի մասին՝ Ստրաբոնը գրում է, որ այդ երկրի հյուսիսային լեռնային մասում բնակվում են տարաբնակ ու ավագակ լեռնական կաղուսիները, ամարդները, տապյուրները, կյուրտիները և այլ ցեղեր: Շարունակելով տեղեկությունը՝ աշխարհագետն ավելացնում

³⁷ Б. Дорн. Каспий. СПб., 1875, с. 60, 68. *Հմմտ.* Th. N ö l d e k e. Geschichte der Perser und Araber aus der arabischen Chronik des Tabari. Leyden, 1879, S. 479.

³⁸ И. Дьяконов. *Նշվ. աշխ.*, էջ 85, 225, 339:

³⁹ У. Е р е մ ј а ն. *Հայաստանը քստ «Աշխարհագրոյց»-ի, Երևան, 1963, էջ 58, С. Ю. К а с у м о в а. Южный Азербайджан в III–VII вв. Баку, 1983, с. 41–42.*

⁴⁰ И. А л и е в. История Мидии. Баку, 1960 с. 104; Ն л и ј њ Ի՝ Племена и племенные группы..., с. 70.

⁴¹ С т р а б о н, с. 485–486.

⁴² Նույն տեղում, էջ 483:

⁴³ Նույն տեղում, էջ 494:

է. «Արդարն Ջագրոսը և Նպատը բռնված են այս ժողովուրդներով, և Պարսկաստանի կյուրտիները և մարդերը (սրանք կոչվում են նաև ամարդներ), ինչպես և Հայաստանինը, որոնք մինչև այժմ նույն անունով են կոչվում, նույն ցեղից են»⁴⁴: Ինչպես տեսնում ենք, այս տեղեկության մեջ նույնպես կադուսիները տեղադրվում են Փոքր Մարաստանի հյուսիս-արևելքում՝ հարավում սահմանակցելով ամարդներին կամ մարդերին: Եթե տեղեկության շարունակության մեջ Ջագրոսի մասին տեղեկությունը հասկանալի է, որի արևելյան և հարավային ճյուղավորումները բնակեցված էին մարդերով, որոնց անունով էր կոչվում Ջագրոսից սկիզբ առնող Ամարդոսը, և կյուրտիներով⁴⁵, ապա Նպատ լեռան հիշատակումն այս տեղեկության մեջ կարծես թե չի տեղավորվում: Ստրաբոնը հաղորդում է. «Այսպես են կոչվում Տավրոսի հյուսիսային լեռները (իսկ՝ Պարաքոսթրաս – Խ. Հ.). իսկ հարավայինը, Եփրատից այն կողմ, Կապադովկիայից և Կունմազենեից արևելք է տարածվում, սկզբնական մասում կոչվում է Տավրոս, որ բաժանում է Ծոփքը և մնացյալ Հայաստանը Միջագետքից. ոմանք էլ կոչում են Գորդյան լեռներ: Սրանց մեջ է նաև Մասիոն լեռը, որ գտնվում է Մծբինի և Տիգրանակերտի վերևը: Այստեղից ավելի բարձրանալով՝ կոչվում է Նպատ. այստեղ, լեռան հարավային կողմերում գտնվում են Տիգրիսի ակունքները»⁴⁶: Մասիոնը և Գորդյան լեռները համարվել են Տավրոսի ճյուղերը, իսկ Գորդիոնյան կամ Գորդյան լեռները (Կորդվաց լեռներ) տարածվել են Մասիոն լեռներից արևելք: Իրականում Մասիոն լեռները Կորդվաց լեռների շարունակությունն են: Արիանոսի մի տեղեկությունից պարզվում է, որ «Դարեհը ճակատամարտի դաշտից (Գավգամելայի – Խ. Հ.) անմիջապես պաշտպալ Մարաստան, ճանապարհ ընտրելով հայկական լեռներով»⁴⁷: Իսկ Պլուտարքոսը գրում է. «Ամբողջ հարթավայրը (Գավգամելայի – Խ. Հ.) Նիփատեսի և Գորդիենյան լեռների միջև, լուսավորված էր բարբարոսական զորքի կրակներով...»⁴⁸: Նիփատեսի լեռները, իրոք, գտնվել են Հայաստանում՝ Նպատական լեռներ (Չոդա) անունով, որտեղ էլ, ըստ Ստրաբոնի, գտնվում էին Տիգրիսի ակունքները, հավանաբար, նկատի ունենալով կա՛մ Արևելյան Խաբուրի, կա՛մ Մեծ Չաբի, կա՛մ էլ նույնիսկ Արևելյան Տիգրիսի ակունքները: Պլուտարքոսն աշխարհագրական առումով ավելի մեծ բովանդակություն է տալիս Գորդիենյան և Նպատական լեռներին՝ դրանք տարածելով ավելի հարավ, քանի որ Նպատական լեռներից հարավ գտնվել են Դասն լեռները: Ուրեմն, Դարեհ Գ-ն փախել է Դասն և Նպատական լեռներով դեպի Մարաստան, որի հետ Հայաստանի սահմանը, ամենայն հավանականությամբ, կազմել են

⁴⁴ Ս տ ր ա բ ո ն . քաղեց և թարգմ. Հ. Աճառյան, Երևան, 1940, էջ 49: Ст' у ն а н С т р а б о н , с . 494 .

⁴⁵ Կյուրտիների և քրդերի կապի մասին մանրամասն տե՛ս Գ. А с а т р я н . Этногенез курдов и ранние армяно-курдские контакты. – Iran and the Caucasus. Vol. 1. Tehran, 1997, p. 3.

⁴⁶ Ս տ ր ա բ ո ն , էջ 43–45:

⁴⁷ Ա Ր Ի Ա Ն Ո Ս . Ալեքսանդրի արշավանքը (այսուհետև՝ Արիանոս). – Ալեքսանդր Մակեդոնացի, Երևան, 1987, էջ 107, А р р и а н . Поход Александра (այսուհետև՝ А р р и а н), пер. с древнегреческого М. Е. Сергеенко. М.–Л., 1962, с. 117.

⁴⁸ П л у т а р х . Александр. XXXI. –Избранные жизнеописания, т. II. М., 1987.

Կոհ-ի-Նիհորական լեռները, որոնք, ըստ իս, նույնպես ընկալվել են որպես Նպատի լեռներ: Վերջինիս տեղադրության հստակեցումը բացառում է Ստրաբոնի հիշատակած գեղերից որևէ մեկի տեղորոշումն այս շրջանում: Ստրաբոնը Նպատի լեռներում բնակվող գեղերին չի հիշատակում, քանի որ տվյալ տեղեկության մեջ թվարկելով կադուսիներին, ամարդներին, տապյուրներին, կյուրտիներին, գրում է՝ «և այլն»: Կադուսիները և տապյուրները չէին կարող բնակվել ո՛չ Չագրոսի, ո՛չ Նպատի լեռներում: Հավանաբար, տվյալ տեղեկության մեջ Ստրաբոնը կամ նրա աղբյուրը Նպատ-Կոհ-ի-Նիհորական լեռների շարունակությունն է համարել Ուրմիո լճից հյուսիս-արևելք ընկած Ղարադաղի, Թալիշի, Գիլանի լեռները, որոնք կոչվել են նաև մարական լեռներ⁴⁹, և, ընդհանրապես, Էլբուրսն ամբողջությամբ, որը Ստրաբոնի այլ տեղեկություններում հիշատակվում է Պարաքոթաթես անունով (տե՛ս վերևում), որի շրջանում էլ բնակվում էին կադուսիները և տապյուրները: Դատելով տեղեկություններից՝ նշված լեռնաշղթաները (և ոչ միայն) ընդհանրապես հայտնի են Տավրոս անունով, որը, ըստ Սոլինի, տարբեր ժողովուրդներ անվանել են տարբեր անվանումներով՝ Քոթաթես, Նիփատես, Կովկաս և այլն⁵⁰:

Ամասիացի աշխարհագետը Կասպից ծովի ափերին հիշատակում է գելերին, կադուսիներին, ամարդներին, կյուրտիներին, անարիակներին: Միաժամանակ հայտնում է, որ «լեռնոտ ծովափի մեծագույն մասը բռնել են կադուսիները, համարյա 5000 ստադիոն, ինչպես ասում է Պատրոկլես, որ և այս ծովը Պոնտականին գրեթե հավասար է համարում: Ամբողջ այս երկիրը աղքատ է»⁵¹: Տեղեկությունը հետաքրքիր է այն առումով, որ կադուսիների հարևանությամբ հիշատակվում են գելերը, այն դեպքում, երբ Ստրաբոնի և այլ հեղինակների մոտ կադուսիները հյուսիսում սահմանակցել են ադվաններին: Մեր կարծիքով, գելերը մտել են կադուսիների գեղային համադաշնության մեջ և գտնվել են Կարասու գետի վերին հոսանքից արևելք, որոնց անունով էլ հայտնի են Գեդմանց լեռները⁵²: Դատելով այլ տեղեկություններից՝ գելերի հարևանությամբ, և՛ արևելք, և՛ արևմուտք, բնակվել են նաև այլ գեղեր, որոնց անունները չեն նշվում⁵³: Տեղեկությունից երևում է, որ նշված գեղերը եղել են անկախ կամ կիսանկախ ու չեն մտել Մարաստանի մեջ կամ էլ վերջինիս հետ կապված են եղել հատուկ հարաբերություններով, ընդ որում, նրանց սահմանը կազմել են Մարական լեռները (Մարաստանի լեռները), որոնց տակ պետք է նկատի ունենալ Ստրաբոնի Պարաքոթաթասը և ներկայիս Էլբուրսը: Ստրաբոնը հաջորդ տեղեկության մեջ Տավրոսի հյուսիսային մասում տեղադրում է գելերին, կադուսիներին և ամարդներին, գրելով նաև, որ նույն լեռնաշղթայի՝ Հայաստանից մինչև Վրկանից արևելք ձգված մասը (փոքր մասը

⁴⁹ Ս տր ա բ ո ն, էջ 35:

⁵⁰ ИДПСК.-ВДИ, 1949, 1 3, с. 247.

⁵¹ Ս տր ա բ ո ն, էջ 35, С т р а б о н, с. 481.

⁵² Մ ո վ ո է ս Խ ո ռ ե ն ա ց ի. Պատմություն Հայոց (այսուհետև՝ Մ ո վ ո է ս Խ ո ռ ե ն ա ց ի), քննական բնագիրը և ներածությունը Մ. Աբեղեանի և Ս. Յարութիւնեանի, լրացումները Ա. Բ. Մարգարեանի, Երևան, 1990, էջ 182:

⁵³ Նույն տեղում:

չհաշված) կոչվում է Պարաքոթրաս⁵⁴: Ինչպես տեսնում ենք, երկու տեղեկություններում հիշատակված Մարական և Պարաքոթրասի լեռները նույնանում են, հետևաբար, այդ լեռները սահմանագիծ են եղել նշված ցեղերի ու մարերի համար: Ստրաբոնը Կասպից ծովի նկարագրության մեջ նշում է, որ «համաձայն Էրատոսթենեսի՝ հույներին հայտնի ճանապարհը այդ ծովի շուրջը մինչև աղվանների և կաղուսիների ավերը կազմում է 5400 ստադիոն, իսկ անարիակների, մարդերի և վրկանների ավերի երկայնքով մինչև Օքսոս գետի գետաբերանը՝ 4800 ստադիոն...»⁵⁵: Այս վերջին տեղեկության մեջ գելերը չեն հիշատակվում, հետևաբար, կաղուսիներին հատկացված ծովափը խոսում է այն մասին, որ գելերը նույնացվել են կաղուսիների հետ կամ էլ մտել են կաղուսիների համադաշնության մեջ⁵⁶:

Պտղոմեոսի մոտ կաղուսիները տեղադրված են Կասպից ծովի հարևանությամբ, իսկ կաղուսիներից հետո գալիս են գելերը, դրիբյուկները, ամարիակները, մարդերը⁵⁷: Մույն տեղեկության մեջ, կարծես թե, իրենց տեղում չեն դրիբյուկները, որոնք պետք է տեղադրվեն վրկաններից արևելք, ամարիակներն էլ նույն անարիակներն են:

Կաղուսիների մասին կարևոր հիշատակություն ունի Արիանոսը: Ըստ Արիանոսի, Գավգամելայի ճակատամարտին Ատրոպատեսի հետ էին կաղուսիները, աղվանները և սակեսիները⁵⁸: Ճակատամարտին մարերը, կաղուսիները, աղվաններն ու սակեսիները հանդես են գալիս առանձին դասավորությամբ. մարերն ու կաղուսիներն առանձին-առանձին, իսկ աղվաններն ու սակեսիները միասին⁵⁹: Ռուֆոսի մոտ Գավգամելայի ճակատամարտում աղվաններն ու սակեսիները չեն հիշատակվում⁶⁰: Արիանոսն աղվաններին հիշատակում է նաև Դարեհի շրջապատող ցեղերի մեջ⁶¹: Կաղուսիների հետ հիշատակվող սկյութներին, որոնք դաշնակցային հարաբերությունների մեջ էին Դարեհ Գ-ի հետ և օգնության էին շտապում նրան⁶², թերևս, կարելի է նույնացնել սակեսիների հետ, սակայն

⁵⁴ Մ տ ր ա բ ո ն ն, էջ 37:

⁵⁵ Страбо́н, с. 480.

⁵⁶ Ռ. Գարրիեյանը գտնում է, որ կաղուսիների անունը վերաբերում է առանձին ցեղի և այդ անվանումը չի տարածվել այլ ցեղերի վրա (տե՛ս Ս. Г а б р и е л я н. Армения и Атропатена. Ереван, 2002, с. 82):

⁵⁷ H. Humbach, S. Ziegler. Ptolemy Geography, book 6, p. 42–43.

⁵⁸ Արիանոս, էջ 97, Арриан, с. 110; Arrian. Anabasis Alexandri (այսուհետև՝ Arrian), with an English translation by E. Iliff Robson. Vol. I–II. Cambridge–Massachusetts–London, 1958–1961 (Loeb Classical Library), III, 8, 4, pp. 246–247.

⁵⁹ Արիանոս, էջ 101, Арриан, III, 11, 4, p. 256–257; Арриан, с. 113.

⁶⁰ Ռուֆոս. Ալեքսանդր Մակեդոնացու պատմությունը (այսուհետև՝ Ռուֆոս).–Ալեքսանդր Մակեդոնացի, Երևան, 1987, էջ 350–351, Rufus Curtius Quintus. History of Alexander (այսուհետև՝ Rufus), with an English transl. by John C. Rolfe. Vol. I–II. Cambridge–Massachusetts–London, 1956 (Loeb Classical Library), IV, XII, 6–13, pp. 270–275; Квинт Курций Руф. История Александра Македонского. М., 1963, с. 115.

⁶¹ Արիանոս, էջ 103, Арриан, III, 13, 1, p. 262–263; Арриан, с. 114.

⁶² Արիանոս, էջ 112: Արիանոսը գրում է նաև, որ Պարմենիոնը կաղուսիների երկրով պետք է անցներ Վրկան (նույն տեղում, էջ 113): Հավանաբար, Պարմենիոնի առջև խնդիր էր դրվել նվաճել կաղուսիներին, որոնց սակ, թերևս, նկատի են առնված նաև Կասպից ծովից հարավ ընկած ցեղերը, օրինակ գելերը, հակառակ դեպքում կաղուսիների երկիրը չէր կարող սահմանակից լինել Վրկանին:

դա դժվար է հաստատել: Ատրոպատեսի հետ, հավանաբար, կադուսիները, ադվանները և սակեսիներն ունեցել են դաշնակցային հարաբերություններ ու եղել են վարձկաններ, քանի որ «մարերի հետ էին»⁶³ և ոչ թե հրամանատարության տակ⁶⁴:

Ադվանների ու սակեսիների մասին մեր դատողություններն այսպիսին են: Սակեսիներին նույնացնելով հայկական Շակաշենի հետ՝ որոշ ուսումնասիրողներ փորձել են հայկական այդ երկրամասը տեսնել Ադվանքի մեջ, որը, ըստ Ա. Հակոբյանի հանգամանալից քննության, ճիշտ չէ, քանի որ սակեսիների և ադվանների՝ նույն շարքում հիշատակվելը բաժանում է ադվանների բնակեցման տարածքը Սակասենեից, և երկու տերմինների նույնացումը հիմնված է միայն հարաբերական համահնչյունության վրա⁶⁵: Սակեսիներին նույնացնելով սակասենների հետ՝ դժվար է նույնիսկ կարծել, որ սակ-սկյութները, որոնք Շակաշենում էին հաստատվել մ. թ. ա. VII դարում⁶⁶, և համաձայն սկզբնաղբյուրների՝ Ուտիքը կազմել է Սատրապական Հայաստանի անքակտելի մասը, մ. թ. ա. 331 թվականին պետք է Գավգամելայի ճակատամարտին հանդես գային մնացած հայերից առանձին, քանի որ այդ ժամանակ նրանք նույնպես արդեն հայեր էին և վաղուց կորցրել էին իրենց էթնիկ դիմագիծը՝ հիշողությունը պահպանելով միայն գավառանվան մեջ:

Սակերը հաստատվել էին նաև Սյունիքում. անգամ Ձագիկ նահապետի անունը կարող է աղերս ունենալ Հայաստան ներխուժած Սակ կամ Շակ ցեղի անվանմանը, որն իր անունն էր տվել Ուտիքի Շակաշեն գավառին: Բ. Հարությունյանը հավանական է համարում, որ ավելի ուշ Սակը կամ Շակը, Հայաստանի մեկ այլ մասում հնչյունափոխվելով, վերածվում է Ձագի, իսկ Ձագեձորն էլ՝ Ձանգեզուրի՝ ժողովրդի կողմից մեկնաբանվելով որպես «Ձանգն իզուր»⁶⁷: Սակայն ինչպես Ուտիքում, այնպես էլ Սյունիքում եկվոր էթնիկական տարրը ձուլվել էր հայերի մեջ և կորցրել իր էթնիկական դիմագիծը: Եթե Շակաշենը գտնվեր Ադվանքի մեջ, ապա այդ մասին կհաղորդեր Ստրաբոնը, որը, նկարագրելով Արտաշես Ա-ի ռազմաքաղաքական գործունեությունը, չի նշում ադվաններից երկրներ գրավելու մասին: Ցանկանում ենք ուշադրություն հրավիրել հետևյալ հանգամանքի վրա: Պլինիոս Ավագի հիշատակած սակասանները⁶⁸ տեղադրվում են

Դիողորոս Միկիլիացին Գավգամելայի ճակատամարտում կադուսիներին և սկյութներին հիշատակում է կողք կողքի (տե՛ս Դիոնորոս Միկիլիացի, էջ 95):

⁶³ Նույն տեղում, էջ 97:

⁶⁴ Քանի որ Ռուփոսի մոտ ալբաններին փոխարինում են մասսագետները, Բ. Հարությունյանը կարծում է, որ Արհանտը, ելնելով այն իրողությունից, որ Ալբանիա են ներխուժել մասսագետները կամ հայկական աղբյուրների մագքությունը, մասսագետներին փոխարինել է ալբաններով (տե՛ս Բ. Հարությունյան, Պետական մակարդակի բարձրագույն կեղծարարություն. -ՎԷՆ, 2010, թիվ 4, էջ 43):

⁶⁵ А. К о п я н. Албания-Алуанк в греко-латинских и древнеармянских источниках. Ереван, 1987, с. 13.

⁶⁶ Բ. Հարությունյան, Հայաստանի, հայ-իրանական հարաբերությունների..., էջ 31:

⁶⁷ Բ. Հարությունյան, Մեծ Հայքի Սյունիք աշխարհն ըստ □Աշխարհացոյց□-ի (Պատմաաշխարհագրական դիտարկումներ). - ՊԲՀ, 2003, - 1, էջ 131:

⁶⁸ P l i n y. Natural History, VI, 29, p. 358.

Ասեաց փոր գավառում և ոչ մի կապ չունեն Շակաշենի հետ⁶⁹: Սա նշանակում է, որ ինչպես սակ-սկյութների մի հատվածը կարողացել էր հաստատվել Ասեաց փորում, մյուսը՝ Շակաշենում, ապա երրորդն էլ, ելնելով սակեսիներին և աղվանների համատեղ հիշատակումից ու միասնական հանդես գալուց, հաստատվել էր Կուր գետի ձախափնյակում: Սակասաններ-Սակասենե-սակեսիներ անվանումները, որոշակի հնչյունաբանական տարբերություններով հանդերձ, ցույց են տալիս, որ սրանց մեջ սակ-սկյութների անվանման առկայությունն անժխտելի է: Մեր կարծիքով, սակեսիները և աղվաններն աշխարհագրորեն տեղորոշվում են XVIII սատրապությունում, որտեղ կար սկյութական մեծ գաղթականություն, ընդ որում ավելի լայն առումով սակեսիներին, իբրև վարկած, նույնացնում ենք սասպելյների հետ, որոնց անվանումը կապված է իբերների հետ⁷⁰: Սա ցույց է տալիս, որ մ. թ. ա. IV դարի վերջերին XVIII սատրապությունը շարունակում էր մնալ Աքեմենյան Պարսկաստանի կազմի մեջ, և նրա վարչական սահմանները փոփոխության չէին ենթարկվել: Իսկ Հայաստանը Գավգամելայի ճակատամարտին հանդես է գալիս որպես մեկ ամբողջություն՝ հայեր: Ի. Պյանկովը մարական սատրապության օրթոկորյուբանտիների նույնացումը անդրկովկասյան սակեսիների հետ⁷¹ համարում է սխալ և օրթոկորյուբանտիներին նույնացնում դերբիկների հետ, որոնք բնակվել են Կասպից ու Արալյան ծովերի միջև, չնայած Մարաստանի հետ տարածքային առումով անմիջականորեն չեն սահմանակցել⁷²: Օրթոկորյուբանտիներին համարել են նաև թրակա-փոյուզական ցեղ ու տեղադրել հին Մարաստանի տարածքում⁷³: Անշուշտ, օրթոկորյուբանտիները կապվում են Մարաստանի հետ, որի հյուսիսային սահմանագիծը Արաքսն էր: Քննություն չի բռնում նաև այն ուսումնասիրողների տեսակետը, որոնք փորձում են XV սատրապությունը տեղադրել Այսրկովկասում՝ փորձելով սակերին տեղորոշել Սակասենեի տարածքում, այսինքն՝ Գանձակ (ներկայումս՝ Գյանջա) քաղաքի շրջակայքում⁷⁴:

⁶⁹ Բ. Հ ա ռ ո թ յ ո յ ն յ ա ն. Մեծ Հայքի վարչա-քաղաքական բաժանման համակարգն ըստ «Աշխարհացոյց»-ի, Երևան, 2001, էջ 98–99:

⁷⁰ XVIII սատրապությունը գտնվել է Հայկական լեռնաշխարհից դուրս՝ Կովկասյան լեռների և Կուր գետի միջև: Մանրամասն տե՛ս Բ. Հ ա ռ ո թ յ ո յ ն յ ա ն. Աքեմենյան Պարսկաստանի XVIII սատրապության տեղադրության շուրջ. – «Հանդես ամսօրյա», (Վիեննա), 1999, թիվ 1–12, էջ 45–114, շ. Խ ո թ ի կ յ ա ն. Հայաստանը և Այսրկովկասը Աքեմենյան Պարսկաստանի վարչական բաժանումներում (պատմաաշխարհագրական ուսումնասիրություն). – Պատմ. գիտ. թեկնածուի գիտ. աստիճանի հայցման ատենախոսություն, Երևան, 2007, էջ 85:

⁷¹ И. Дьяконов. Եջվ. աշխ., էջ 248, 447:

⁷² И. Пьянков. «История Персии» Ктесия и среднеазиатские сатрапии Ахеменидов в конце V в. до н. э. – ВДИ, 1965, 1 2, с. 43, 49.

⁷³ Մ. Պ ե տ ռ ո ս յ ա ն. Հին Մարաստանի տարածքի երրորդ էթնիկական տարրի մասին. – ՊԲՀ, 1979, - 4, էջ 46–58:

⁷⁴ В. Струве. Этюды по истории Северного Причерноморья, Кавказа и Средней Азии. Л., 1968, с. 18. XV սատրապության տեղադրության մասին մանրամասն տե՛ս շ. Խ ո թ ի կ յ ա ն. Աքեմենյան Պարսկաստանի XI և XV սատրապությունների տեղադրության շուրջ. – ԼՀԳ, 2006, -1, էջ 147–157:

Դատելով աղբյուրներից՝ կադուսիները Աքեմենյան պետության ժամանակաշրջանում մտել են ոչ թե XI, այլ X մարական սատրապության մեջ⁷⁵: Թովմա Արծրունին հաղորդում է, որ մեծն Տիգրան Հայկազնը Մարաստանի Աժդահակ թագավորի դեմ ճակատամարտ տալու համար զորք է ժողովում «և վազս առեալ փութացան մտին ընդ կողմն Մականայ, բանակեցան ի դաշտավայրին Մեդիացոց»⁷⁶: Արծրունյաց տան պատմիչը, որն օգտվել է մեզ անհայտ ինչ-ինչ աղբյուրներից, Արաքսը համարում է Հայաստանի ու Մարաստանի սահմանը, և Մուղանի դաշտը (հմստ. Խորենացու մոտ Մեդացոց կողմերը⁷⁷) մտցնում Մարաստանի մեջ: Հայաստանի ու X սատրապության սահմանը տարածվել է, ամենայն հավանականությամբ, Ուրմիտ լիճը թափվող Սաղամաս գետից հյուսիս՝ մինչև Կարմիր կամ Կոտոր գետի հոսանքը, վերջինիս՝ Արաքսի հետ միախառնվելու հատվածը: Որ Կարմիր գետը հանդիսացել է սահման X սատրապության ու Սատրապական Հայաստանի միջև, կարելի է հիմնավորել նաև հետևյալ տեղեկություններով: Մովսես Խորենացու հաղորդումից պարզվում է, որ Վաղարշակ արքան «ներքինիս հրամայե ի նոյն ազգէ խզել. և նահապետ նոցա զՀայր իշխան մասին յԱտրպատականէ մինչև ցճուաշ և ցՆախաճաւան, և նահապետութեան ազգին սա մեծարոյ»⁷⁸: Քանի որ Փավնիտիսը նույնանում է Մարդպետականին, այս Պատմահոր այս կարևոր տեղեկությունից կարելի է եզրակացնել, որ Կարմիր գետը և Երասխը հանդիսացել են սահմանային գետեր նախ X սատրապության, այս Ատրպատականի ու Հայաստանի միջև: Հետաքրքիր է նաև Թովմա Արծրունու տեղեկությունն այն մասին, որ Երվանդը «երթայ գետեղի ի Նախաճաւանն աւանի յոստանին Վասպուրական աշխարհին»⁷⁹: Ըստ պատմիչի, Երվանդը Ատրպատականի սահմաններով է վերադառնում Անձահի ձոր ու հետո գնում Նախաճաւան⁸⁰: Այս տեղեկությունից երևում է, որ Հայաստանի մեջ մտնող Անձահի ձորը եղել է Ատրպատականին սահմանակցող գավառ, և Երվանդը Նախաճաւան գնալու համար պետք է անցներ ճուաշ գավառով, որը մտնում էր Հայաստանի մեջ: Թովմա Արծրունու տեղեկություններից ևս կարելի է եզրակացնել, որ Կարմիր գետը սահմանային գետ էր ինչպես Հայաստանի ու Ատրպատականի միջև, այնպես էլ Աքեմենյան ժամանակաշրջանում XIII և X սատրապությունների համար: Մեր կարծիքով, Հայաստանը մարերից նվաճում է միայն Կասպիանե-Փայտակարանը և Փավնիտիս-Մարդպետականը, իսկ Բասորոպեդա-Պարսկահայքը վերամիավորվել է: Միաժամանակ, դատելով հին աղբյուրների որոշ տվյալներից⁸¹, Արտաշես

⁷⁵ Կադուսիներին մարական սատրապության մեջ են տեղադրում Ա. Հակոբյանը (տե՛ս Ա. Հակոբյան. Կասպերի և Կասպիանա (Կասպ) մարզի տեղադրության մասին, էջ 93) և Վ. Բայբորդյանը (տե՛ս Վ. Բայբորդյան. Իրանի պատմություն, Երևան, 2005, էջ 57):

⁷⁶ Թովմա Արծրունի և Անանուն. Պատմութիւն տանն Արծրունեաց (այսուհետև՝ Թովմա Արծրունի և Անանուն), աշխատասիրությամբ Վ. Մ. Վարդանյանի, Երևան, 1985, էջ 62:

⁷⁷ Մովսէս Խորենացի, էջ 81:

⁷⁸ Նույն տեղում, էջ 112:

⁷⁹ Թովմա Արծրունի և Անանուն, էջ 84:

⁸⁰ Նույն տեղում:

⁸¹ С т р а б о н, с. 480, 485.

Ա-ն Փայտակարանը գրավել է ոչ թե մարերից, այլ կաղուսիներից: Վերջին հանգամանքը ցույց է տալիս, որ որոշ ուսումնասիրողների կողմից այն կարծիքը, թե «կասպերի երկիր» և «կաղուսիների երկիր» հասկացությունները հավասարազոր են⁸², ճիշտ չէ: Պլինիոս Ավագը հաղորդում է, որ Կուրի գետաբերանից սկսած ծովը կոչվում է Կասպից, որի ափին ապրում են կասպերը⁸³: Այս տեղեկությունից չի կարելի եզրակացնել, որ կասպերին պետք է տեղադրել հենց Կուրից հարավ: Կովկասյան և Կասպիական դռների մասին Պլինիոսի տեղեկություններից⁸⁴ կարելի է եզրակացնել, որ բերված տեղեկության մեջ կասպերին պետք է տեղադրել Կուրից հյուսիս: Ընդ որում, Պլինիոսի հաջորդ տեղեկությունը ևս հիմք չի տալիս կասպերին փնտրել Կուրի ստորին հոսանքից հարավ կամ էլ կասպերի անվան տակ տեսնել կաղուսիներին, մարդերին: Միայն այն հանգամանքը, որ հեղինակը կասպերից⁸⁵ արնելք տեղադրում է Ապավորտենան⁸⁶, կարելի է եզրակացնել, որ Պլինիոսը կասպերի տակ նկատի ունի Ռազայի մոտ գտնվող Կասպիական դռները: Այս տեղեկությունները ցույց են տալիս, որ Պլինիոս Ավագի հաղորդումները հիմք չեն տալիս կասպերին տեղադրելու հենց միայն Փայտակարանում⁸⁷, որի Կասպիանե անվանումը ծագում է ընդամենը Կասպից ծովի անունից՝ որպես աշխարհագրական հասկացություն: Ավելին, Պլինիոսը նույնպես հիշատակում է Էրատոսթենեսի տեղեկությունը՝ Կաղուսիան և Ալբանիան՝ ափամերձ շրջաններով, նշելով կողք կողքի⁸⁸:

Կաղուսիները կամ կատիշները հիշատակվում են նաև հայկական աղբյուրներում: Մասնավորապես, «Աշխարհացոյց»-ում, քաղելով Պտղոմեոսից և Պապյոսից, հիշատակվում են մարերի երկրամասեր Կասքը, Քաղուշը, Գելքը, Դիլումքը⁸⁹: Քաղուշը կաղուսիների երկիրն է, իսկ կասպերի հիշատակությունը ցույց է տալիս, որ կաղուսիները և կասպերը չեն կարող պարզունակորեն նույնացվել: Ընդ որում, «Աշխարհացոյց»-ի հեղինակը նշված ցեղերին թվարկում է՝ օգտվելով Պտղոմեոսից, որը կասպերին հիշատակում է Մարաստանի կազմում՝ Հայաստանի հարևանությամբ⁹⁰: Այս տեղեկությունը վերաբերում է մինչև Արտաշես Ա-ի գահակալման շրջանին, իսկ կասպերն էլ հույն հեղինակի համար պարզապես Կասպիանե երկրի՝ Փայտակարանի բնակչությունն են, որը ներկայանում է որպես

⁸² И. Дьяконов. *Նշվ. աշխ.*, էջ 444, 448, И. Алиев. Племена и племенные группы в Атропатене, с. 70; **Ֆ**. *Նշվ. աշխ.*, էջ 148:

⁸³ P l i n y. Natural History, VI, 39, p. 366.

⁸⁴ *Նույն տեղում*, VI, 30, էջ 358: Պլինիոսը մի տեղում շփոթում է Դարիայի և Դերբենդի լեռնանցքները:

⁸⁵ ИДПСК.–ВДИ, 1949, 1 2, с. 303. Այստեղ կասպերի փոխարեն գրված է Կասպիական դռեր [տե՛ս նաև Ա. Հ ա կ ո բ ՚ յ ա ն. Կասպերի և Կասպիանա (Կասպ) մարզի տեղադրության մասին, էջ 89]:

⁸⁶ P l i n y. Natural History, VI, 46, p. 371. *Հմմտ.* VI, 45, էջ 370:

⁸⁷ А. А ко п я н. *Նշվ. աշխ.*, էջ 40:

⁸⁸ P l i n y. Natural History, VI, 36, p. 364.

⁸⁹ *Աշխարհացոյց Մովսեսի Խորենացույ յաւելուածովք նախնեաց, հրատ. Ա. Սուրբեան, Վենետիկ, 1881, էջ 41 (տեքստում՝ քազագուշ): Տե՛ս նաև Մատենագիրք Հայոց, հ. Բ, Ե դար, Անթիլիաս-Լիբանան, 2003, էջ 2157, Ս. Երեմյան. Հայաստանը ըստ «Աշխարհացոյց»-ի, էջ 115:*

⁹⁰ H. H u m b a c h, S. Z i e g l e r. Ptolemy Geography, book 6, pp. 40–41.

աշխարհագրական հասկացություն: Մովսես Խորենացու մոտ «Կասբից երկրի» հիշատակությունը նույնպես կապված է աշխարհագրական ընկալումների հետ՝ «Կասբիական ծովի» անունից և, ըստ էության, «Կասբից երկիրը» համապատասխանում է Պատմահոր նշած ծովեզերքի բնակիչների երկրին, որի կենտրոնն Փայտակարան քաղաքը մի քանի անգամ հիշատակում է Խորենացին⁹¹:

Համաձայն Ագաթանգեղոսի՝ Գրիգոր Լուսավորիչը քրիստոնեությունը տարածում է «...մինչ ի սպառ ի սահմանս Մասքթաց, մինչև ի դրունս Ալանաց, մինչ ի սահմանս Կասպից, ի Փայտակարան քաղաք արքայութեանն Հայոց»⁹²: Այս տեղեկության մեջ Կասպից սահմանների տակ պետք է հասկանալ Մեծ Հայքի ծայր արևելյան սահմանը, որն անմիջապես հարում էր Կասպից ծովին, որի ափին՝ Երասխի գետաբերանի մոտ, գտնվում էր Փայտակարան քաղաքը⁹³: Քաղաքի անունով էլ երկրամասը կոչվեց Փայտակարան⁹⁴: Մեր կարծիքով, Ագաթանգեղոսի տեղեկության մեջ Փայտակարան քաղաքը համարժեք է Փայտակարան աշխարհին, հետևաբար, Կասպից սահմանների տակ պետք է նկատի ունենալ ոչ թե Փայտակարան-Կասպք աշխարհը, այլ Կասպից ծովը, այսինքն՝ հեղինակը նկատի է ունեցել մինչև այդ ծովի սահմանները, եզրերը, որտեղ հասնում էր Մեծ Հայքի ծայր արևելյան սահմանը: Մեր եզրակացության օգտին է խոսում «Աշխարհացոյց»-ի այն տեղեկությունը, թե «Մետասաներորդ աշխարհ՝ Փայտակարան քաղաքով որ առ եզերքն Կասբից, ՚ի մուտս Երասխայ»⁹⁵:

Կատիճների և գեղեր-գելերի գնդերը պարսկական բանակի կազմում հիշատակվում են Ավարայրի դաշտում⁹⁶: Կատշաց գործը հայ ապստամբների հետ կռիվներում հիշատակում է Ղազար Փարպեցին⁹⁷, ընդ որում, դատելով պատմիչտեղեկությունից, կատիճները գտնվել են Ատրպատականում՝ Երասխից հա-

⁹¹ Մ ո վ ս է ս Խ ո ռ ե ն ա ց ի, էջ 182, 259–260, 263: Կասբիցը կամ Կազբիցը նույն նշանակությամբ հիշատակում է Փավստոս Բուզանդը (տե՛ս Փաւստոսի Բիւզանդացոյ Պատմութիւն Հայոց, բնագիրը Բ. Պատկանյանի, Երևան, 1987, էջ 248):

⁹² Ագաթանգեղայ Պատմութիւն Հայոց, քննական բնագիրը Գ. Տեր-Մկրտչյանի և Ս. Կանայանցի, աշխարհաբար թարգմ. և ծանոթ. Ա. Տեր-Ղևոնդյանի, Երևան, 1983, էջ 468:

⁹³ Բ. Հ. Հ ա ռ ո լ թ յ ո լ ն յ ա ն. Փայտակարան քաղաքը և նրա տեղադրությունը.–ԼՀԳ, 1981, -12, էջ 75: Ըստ ուսումնասիրողի՝ Փայտակարան քաղաքը գտնվել է ներկայիս Մայանի քաղաքից արևմուտք: Ըստ Ա. Հակոբյանի՝ այն գտնվել է Պուշկինո (Բիլիասուվար) քաղաքի հնավայրի տեղում (ասվել է անձնական գրույցում):

⁹⁴ Տե՛ս Մատենագիրք Հայոց, հ. Բ, Ե դար, էջ 2153, 2172, 2188:

⁹⁵ Աշխարհացոյց Մովսեսի Խորենացոյ, էջ 29: Հ. Հյուբշմանը կռահել է, որ հետագայում այս հատվածից դուրս է մնացել «Փայտակարան» բառը և իրավացիորեն վերականգնում է՝ «Մետասաներորդ աշխարհ՝ Փայտակարան [Փայտակարան] քաղաքով որ առ եզերքն Կասբից, ի մուտս Երասխայ» (տե՛ս Հ. Հյուբշման. Հին Հայոց տեղոյ անունները, թարգմ. Հ. Պիլգրիկճեան, Վիեննա, 1907, էջ 101: Հմմտ. Ս. Երեմյան. Հայաստանը ըստ «Աշխարհացոյց»-ի, էջ 115):

⁹⁶ Ե ղ ի շ է. Վասն Վարդանայ եւ հայոց պատերազմին, աշխատասիրությամբ Ե. Տեր-Մինայանի, Երևան, 1989, էջ 232:

⁹⁷ Ղազարայ Փարպեցոյ Պատմութիւն Հայոց, Թուղթ առ Վահան Մամիկոնեան, քննական բնագիրը Գ. Տեր-Մկրտչյանի և Ստ. Մայիսայանցի, Երևան, 1982, էջ 303, 315 («...Եւ Կաղշաւք, յորում Գարառու-Բագինք, մինչեւ ի մուտս գետոյն որ կոչի Կամբիսեւս». տե՛ս Մատենագիրք Հայոց, հ. Բ, Ե դար, էջ 2141):

րավ⁹⁸, ինչը համապատասխանում է հին աղբյուրների հատորդումներին:

Ինչ վերաբերում է կաղուսիների էթնիկական ծագմանը, ապա ուսումնասիրողները կարծում են, որ կաղուսիներին ի սկզբանե պետք է համարել իրանական ժողովուրդ⁹⁹՝ ներկայիս գիյանցիների և թալիշների նախնիները¹⁰⁰:

Կաղուսիների հետ նույնացվել են Հովհան Անտիոքացու կաղիսենները, որոնց մոտ ապաստանում է Պերոզի որդի Կավատը: Կաղիսենները տվյալ տեղեկության մեջ անվանված են հոներ¹⁰¹: Հոների հետ կաղիսենների նույնացումն արդեն իսկ բացառում է սրանց կապը կաղուսիների հետ: Կաղիսեններին հիշատակում է նաև Պրոկոպիոս Կեսարացին¹⁰², սակայն այս տեղեկությունը ևս հիմք չի տալիս կաղուսիների հետ նույնացնելու համար:

Կաղուսիների հետ փորձել են նույնացնել նաև Յոշվա Ստիլիտի հիշատակած քուդիշներին, որոնք ապրել են Նիսիբիսի՝ Մծբինի մոտ¹⁰³: Սակայն կաղուսիների հետ սրանց նույնացումը կասկածելի է¹⁰⁴, ինչքան էլ որ տեսականորեն հավանական համարենք կաղուսիների, էթե ոչ մի մասի վերաբնակեցումը, զոնե կայազորի առկայությունը Մծբինի մոտ¹⁰⁵: Բացառված

⁹⁸ Ղազարայ Փարպեցույ Պատմութիւն Հայոց, էջ 295: Որոշակի հետաքրքրություն է ներկայացնում Սերեոսի հետևյալ տեղեկությունը. «Արդ՝ իբրև ետես բազմութիւն գաւրացն Բամայելի, էթէ ոչ յաջողի նոցա գործն ի կողմանէ ամուր լերանցն Սարաց. քանզի ոչ իսկ նուաճեցան ի ծառայութիւն նոցա (Կեթրուս և Սլիւթեայ), որ են Գեղք, Դելումք, հանդերձ ամենայն ամրաբնակ բազմութամբն» (տե՛ս Պատմութիւն Սերեոսի, աշխատասիրությամբ Գ. Աբգարյանի, Երևան, 1979, էջ 172–173): Հ. Մարկվարտը Կեթրուսի փոխարեն կարդում է Կաղուս՝ նկատի ունենալով կաղուսիներին, այն դեպքում, երբ Կեթրուսը նույնացվել է Գեղրոսիային՝ Իրանի հարավ-արևելքում (տե՛ս J. Marquart. Ērānšahr nach der Geographie des Ps. Moses Xorenacī. Berlin, 1901, S.125; Գ. Աբգարյան. «Սերեոսի Պատմությունը» և Անանունի առեղծվածը, Երևան, 1965, էջ 198–202): Գ. Աբգարյանը «Կեթրուս և Սլիւթեայ»-ը համարում է լուսանցագրություն, որը կարող էր նույնիսկ լուսանցքում գրված լինել ոչ որպես «Գեղքի, Դելումք»-ի բացատրություն, այլ գրչի համար զուտ որպես ինչ-որ պայմանական հիշեցում, գիտելիք, նույնիսկ՝ գրչափորձ (Պատմութիւն Սերեոսի, էջ 361–363, ծնթ. 656, 657): Այս կապակցությամբ պարզապես նշենք, որ կաղուսիներից հյուսիս՝ Կուրի ստորին հոսանքի ձախափնյակում տեղադրվող XVIII սատրապությունում կար սկյութական հոծ զանգված, որն էլ կարող էր որպես Սկյութիա հիշատակվել Կաղուսիայի կողքին:

⁹⁹ Э. Грантовский. Ранняя история иранских племен Передней Азии. М., 1970, с. 374.

¹⁰⁰ G. Asatrian, H. Borjia n. Talish and the Talishis.– Iran and the Caucasus. Vol. 9.1. Brill: Leiden, 2005, pp. 46–47; Р. Меликов. Նշվ. աշխ., էջ 154:

¹⁰¹ C. Müller. Fragmenta historicorum graecorum. Vol. V. Parisiis, 1870, p. 28. Կաղիսենները պատկանել են «սպիտակ հոների»՝ հեփթաղների ցեղային խմբին (հմմտ. ծ. Пигулевская. Сирийские источники по истории народов СССР. М.–Л., 1941, с. 48; А. Колесников. Иран в начале VII века.–Палестинский сборник, Л., 1970, с. 96):

¹⁰² Պրոկոպիոս Կեսարացի, թարգմ. բնագրից, առաջաբան և ծանոթագր. Հ. Բարթիկյանի, Երևան, 1967, էջ 117: Sté u նաև Procopius, ex recensione G. Dindorfii. vol. I. Bonnae, 1833, De Bello Persico, I, 14, pp. 71–72.

¹⁰³ Н. Пигулевская. Месопотамия на рубеже V–VI вв. н. э. Сирийская хроника Иешу Стилита как исторический источник. М.–Л., 1940, с. 135–136, 153.

¹⁰⁴ Р. Меликов. Նշվ. աշխ., էջ 153: Հմմտ. Н. Пигулевская. Сирийские источники..., с. 48.

¹⁰⁵ Վալերիանուսի պատմության մեջ կաղուսիները համարվում են անկախ և պարսիկներին թշնամի ժողովուրդ (տե՛ս Scriptorum Historiae Augustae, recensuit Hermannus Peter. Vol. II. Lipsiae, 1865, p. 68):

չէ, որ կադուսիւնների անվան տակ հանդես են գալիս «Աշխարհացոյց»-ում հիշատակված Կատաշան գավառի բնակիչները¹⁰⁶:

Ամփոփենք. կադուսիւնները, որոնք ավելի քան մեկ հազարամյակ հիշատակվում են աղբյուրներում, եղել են բավական ուժեղ և կենսունակ էթնոս՝ տեղորոշվելով Կարասու գետի վերնագավառում: Հին հեղինակների տեղեկություններից հայտնի է, որ կադուսիւնները տարածվել են նաև Կասպից ծովի հարավարևմտյան ափամերձ տարածքներում: Սկզբնաղբյուրների տեղեկությունների քննությունը ցույց է տալիս, որ կադուսիւններն ազգակից ցեղերի համադաշնության մեջ իրենց ռազմական ուժի շնորհիվ ունեցել են առաջնակարգ նշանակություն և, ըստ այդմ էլ, ավելի հաճախ են հիշատակվում պատմիչների կողմից: Մարական, Աքեմենյան և հաջորդող ժամանակներում կադուսիւնները պահպանում են իրենց անկախ կամ կիսանկախ գոյությունը՝ դաշնակցային հարաբերություններով կապվելով իրանական այս կամ այն պետության հետ:

ПЛЕМЯ КАДУСИЕВ В ДРЕВНИХ ИСТОЧНИКАХ

ОГАНЕС ХОРИКЯН

Резюме

Кадусии, упоминаемые в древних источниках, были достаточно сильным и жизнеспособным этносом, проживавшим в верховьях реки Карасу. Из сведений древних авторов известно также, что кадусии расселились и на юго-западном побережье Каспийского моря. Рассмотрение сведений источников позволяет говорить о том, что кадусии в конфедерации родственных племен, благодаря своей военной силе, имели первостепенное значение и, в соответствии с этим, чаще упоминаются историками. В мидийские, ахеменидские и последующие времена кадусии сохраняют свое независимое или полунезависимое существование, заключая договоры с теми или иными иранскими государствами.

THE TRIBE OF THE CADUSIANS IN ANCIENT SOURCES

HOVHANNES KHORIKYAN

Summary

The Cadusians, having been referred to in the sources for more than one millennium, have been rather strong and viable ethnos, located in the district of the upper Karasu River. It is known from the data of ancient authors that the Cadusians were also spread in the southwestern coastal parts of the Caspian sea. The examination of the data from the original sources shows that the Cadusians had the primary importance in the confederation of the relative tribes due to their military force, and that's why they are referred to more often by the historians. During the periods of the Median, Achaemenian and the following stages the Cadusians keep their independent and semi-independent existence, concluding treaties with this or that Iranian country.

¹⁰⁶ Աշխարհացոյց Մովսէսի Խորենացոյ յաւելումովը նախնեաց, էջ 40: